

黃陂縣志卷之十四

文林郎知黃陂縣事楊廷藻

原任監察御史補授縣丞李成紀

署教諭事舉人邵光祿

藝文志

序

賀張邑侯晉別駕序

黃彥士

余臥病齋居十日許不出門有語余者曰張侯晉別
駕別駕矣余曰別駕乎謀所以賀之余曰別駕也何

黃陂縣志

卷十四

藝文中

乙

頌為余以內外艱居里中三年所侯治陂始終之矣
侯之政餘於內者也侯廉而不劓整而不煩寬而不
廢仁而不施慎而不怠農安於野商賈安於市吏書
與皂之屬各安其業不肆不媮黠者儆而攫者
未見其數上誅鋤也無所售而潛匿屏跡數其事而
稱之不勝書且四年一日也無赫之聲而樹片之
之理侯非餘於內者乎以余觀於今之吏治即署最
高等褒擢備臺諫之選者不能過也計陞之秩別駕
居下修上而得下慰爾何賀為言者曰不然子固言

旦夕此天下所公難也吾陂自明興以來鮮商賈居
積之荼獨恃農圃爲生時和歲豐衣食無苦小大相
安奸盜稀少邇者盡反其道民口以蹙又吾邑所私
難也公私之難交集長令幾無所措手矣治陂二年
餘每向余輒蹙額搔首歎其難爲然於上下之事無
所缺撝諸民間所以事父母蓄妻子供給縣官之具
視天下非有加難也治術有二其一嚴其一寬嚴者
於事易集而民凜也然易於見過寬者於法難振而
民熙也然不喪其所守二者雖異術而務不違其所

黃陂縣志

卷十四

藝文中

三

長設誠而行之皆足以適於治然史傳所載先循良
而後嚴能即嚴能之窠著者多於守而少於令何也
守秩尊勢重恩威皆易以暨下令秩卑而於民最近
故恩易究而威難竟也馬伏波云大寇犯境士大姓
侵小民此太守事即如漢董宣令畿內地又遇光武
仁民之主僅以強項著聞即殺湖陽一奴不知于事
竟濟否假使當時事不能自白又不遇明主以容之
其能免乎如宣者蓋亦危矣且自古及今主雖極仁
世雖極治未有能予於民者皆取於民者也特誅此

有輕重緩急之異耳故嚴之所出寬之所宥也法之所贖民之所苦也然雖極辦之令於今甲所布非能有增也苟能晝營夜息若農之無失畔何患於歲計之餘而必鯁也然尚操切之術以傷其性命之和乎侯宅心恕處已約明而不曠斷而不割寧上見過於長官而不急督捕以損下寧外失譽於賓客而不飭厨傳以耗內銛角之奇擯而不設桁楊之毒却而不視故集事之名雖稱遜於能今而思之留于民者甚厚民間供給縣官之具得以無失期所以養父母蓄

妻子者得以無失望則侯適治之寔効也倘時勢所格有令所不能竟者侯是以蹙額搔首歎其難爲然其心則已盡矣自侯蒞陂以來余匿跡林泉雖不善爲逢以事侯而奉侯之約最謹然一門之內恐尙有有不及知者於事侯之道或未盡也况以四境之命寄於一人術投於一人而欲一己肖其心無憾此堯舜之所病也侯所以能使民不喪其所守以適於治者正惟此難爲一念矣侯且入觀幸以陂之難爲與所以爲陂者宣言於朝余不佞雖不嫻於詞調非知

疾者不可也

爲學宗序序

黃彥士

余兄弟未弱冠謬承先覺之訓誨憬焉向學幾二十
年矣余留滯都門頃以使事竣返家而余弟出所著
爲學宗序者與予商焉學之有宗也合之而是分之
而無非是者也茲非敢有特標也虞庭啓之千聖印
焉道州而下姚江而上間有特標而卒莫能違者也
闕其所未明繹其所未備暢其所未合則諸君子之
緒論其以爲異乎是亂者也人之有宗也自少至老

黃陂縣志

卷十四

藝文

五

而不能異也同之以宗而幾之以序乎則下手之時
便已落第二乘矣非也易曰知至至之知終終之宗
者其至而終者也序者其至之終之者也如寄途焉
所以學也非夫建鼓而北亡子者也雖然其學也有
從其得也無從悟則無不融也迷則無不執也是故
宗者無先無後者序者即先即後者也豈例之所可
例程之所可課哉是說也余兄弟偕以其所自商者
出與同志商之也唯大覺者忘其同陋而覆之發則
厚幸矣

將著爲令甲定爲課程巡方所至進父老子弟而問
之以驗其當否其他以差往者必稽也以事至者必
詢也而於民者之殿最亦於是乎取焉不佞豈自爲
哉亦與諸蒞茲土者共此民爾并以告夫執事者

黃陂縣志

卷四

藝文

七

木蘭將軍傳

王 霽 邑人

木蘭將軍大唐初黃人也黃西陵治北六十里許名
山曰木蘭喬峻雄麗勝難悉狀世傳敦義朱公宅其
陽靈和攸萃淑媛篤生因名以紀異木蘭少秉性貞
烈閑中女則專一誠莊粹如也父原籍兵應戍老羸
弗克供又一二幼息無能遠副萬里荷戈之役邑發
徵書孔棘木蘭惕不自愛乃更服斂容戒事代征摩
離故里經黃河抵雪山深入不毛立戰功青海外故
曰萬里赴戎機關山渡若飛朔氣傳金柝寒光照鐵

黃陂縣志

卷十四 藝文

八

衣義勇奮激慷慨悲歌有古名將風職時月支授首
于闐不回燕關無牧馬南下露布上陳天王錫命策
勲木蘭復辭爵懇乞歸養約寓軍十有二年嚴翼供
服言笑不苟出入啓處自有繩度每危然獨坐不與
人群一時于邁者畏威莫敢翫視服忠莫能詐探信
其磊落奇偉凡若履貞體順端倪一軍咸無能測及
歸免胄理妝屏猛輯柔見者始而疑中而駭終而凜
然嘆且慕天下聞知號稱女丈夫忠孝節義永辭差
世誕惟時遠無微莫稽所終後之妄倡訛說文飾真

父老子弱不任行而上緹縈之書以免不失爲卓行
顧獨遠跡塞上而父母不爲止此必有過人之才矣
若木蘭者復絕千古不可以學至不可以人責也當
秋胡謂其妻時而拒之不堅則死愧也死愧不傳其
傳則堅者也堅而死醜之也且見調焉義不可以復
合死有地矣子輿氏出其妻也辭曰夫婦之禮不行
於私室今夫子見妾有憐容弗是也請去其母讓焉
復爲夫婦如初秋胡有母在請於其母而謝之勿死
可也微傷於激然不失正矣春秋卒伯姬正之也二

黃陂縣志

卷十四 藝文

十

氏者跡有奇正之分而皦然不以死生動念爲其所
難爲以成其志雖與二先生並傳可也雖然二氏易
傳七二先生難也使二先生之道行將守在四彝而
封可比屋老幼不失職夫婦不失貞而君子不淫于
色卽二氏安所見奇哉若是者遭其窮者也是故二
氏者可風也欲以化俗而維風則吾道足也先生並
傳之意在斯歟

木蘭將軍序

楊廷蘊賦進

凡夫性之所至發而爲忠孝爲節義固不以男女殊

昔漢緹縈泣書救父古今稱其孝烈安在生女不生男緩急無所益耶吾于木蘭將軍復見之予向不知木蘭本末近蒞任西陵登樓縱眺見治北六十里許一山突兀半出霄漢父老相傳以爲木蘭山云予急取陂志觀之蓋卽有唐貞觀中木蘭發跡之地其始固閨中一女子也父舊隸兵籍有檄徵發羸老不堪木蘭痛之遂卸紅妝市兜牟辭父母慨然跨馬越黃河馳黑山戟眉鐵面出入敵圍誓以殺賊報命凡在軍中者十有二年同行將士初不知其爲女子也

黃陂縣志

卷十四

藝文

十一

後露布上天子不受賞遂策馬南還入門拜親將軍無恙親戚莫不駭異因開東閣免甲冑理舊狀凶者奇傑之軍忽易爲紅顏之女隨從都頭咸感嘆畏服去至今觀古樂府中木蘭代父從征之辭未嘗不奇其人奇其事想慕其風烈也予於史見柴夫人臨陳號娘子軍後世傳爲懂事然未有如木蘭慷慨赴征之尤烈也以閨中一女子而至性自矢孤行于數千里之外徃來于沙漠鋒鏑之間代親遠戍全身復歸其爲忠孝節義殆何如哉嗟乎天下之爲人子者

賦役序

譚忠義邑人

陂邑租賦原額 田糧正米一萬六千四十八石五斗八升四合七勺 內有孔甲學田米七石五斗二升外有潞租田米一千四百二十四石九斗叁升九合五勺又原額人丁一萬三千九百五十七丁潞丁一千三百八十五丁 在內此皆屬在正供具載版圖者也 明季兵燹頻仍 賦疲于徵差困于徭奸猾之吏上下其手飛詭百端 豪強者恣情隱漏以至額米缺至二十七石每年戶書於正項外派加補額銀一百八十黃陂縣志

卷十四

藝文

十三

兩蒞茲土者因陋就簡不行覺察各里咸苦積弊莫敢誰何上下相蒙者數十年鄉先生李公澗水者起而憂之以遡流莫先窮源而正標尤貴端本於國初公議軟臺良法平曷清里而飛詭之弊始消李公功在 王國利在桑梓矣無何缺額一項未獲遽清幸余友傅可楷耆老張士達者抱先憂之心踵前人之武毅然任之爰集邑之里老里書遵照各里各戶老冊徹底清查按節推奠以崇積十五年為舊管以順治十七年為新收研究那移細詳隱漏條分縷晰

三閱月而米濟額足彙定一書以昭畫一厥功當不
在奉公下乃以

今上之初年奉 旨編審概動收除而額米復亂按
旨詳察又缺十石有奇兩君子一片血忱幾淪枯廢
忠于此總 焉慮之慮其源之弗清流之將無極也
慮其 王國之利未興桑梓之憂方大也幸茲邑侯
簡庵楊公下卑美績纍 滌弊搜奸勤心撫字而直
虛懷下問不啻再三忠膺 國恩數年矣既不克勇
進圖 君又不克強自振拔興利福衆乃復徇私隱
黃陂縣志

卷十四

藝文中

十四

弊使前功廢失民膏國計毫無所賴其若之何因集
耆舊里書誌局清筭期與傳君彙定之書相符旬有
餘日而額足米清頗無差謬爰是正之邑侯訂爲一
書以垂永久斯則兩君子之功而闔邑諸君子之意
也忠亦或可藉此以無罪於前人無負於邑侯云
議

修建廟學議

教諭楊 樛

爲修建學宮事切照本學文廟歲久物蠹先於弘治
十八年五月內藩雨泆旬棟宇將壓墮以小木撐支

東西齋庶暨櫺星戟門亦各傾圮已經具由通申俱蒙准修外緣本縣錢糧無措未遑興工近蒙知縣徐璉多方設法及歷蒙各臺批發贖罪賣地等銀僅得百餘兩工費浩繁難以濟事况本官入覲在邇更無責成卑職目擊廟貌大勢岌乎寢危萬一傾壓震驚聖賢塑像則雖拊心洒淚於事何益用是兢惕弗任退而自維念吾夫子道在天下萬世其饗祀於一方所以崇一方之化今妥靈之所弗治若此叨學其道以司其化顧誘以責在有司坐視其弊此聖門之罪黃陂縣志

卷十四

藝文中

十五

人也爰饋內人首飾錫釧等項共計銀四十五兩又歲支俸米齋夫柴薪除給衣食之外每存贏餘以備非常銀一十五兩近蒙考准民生魯岳等二十餘人入學類進禮幣以准束修內除徐倬彭子壽二人貧難不受外其餘家道頗殷交接以禮於義不敢國辭計各人所進贄儀又共得四十兩三項通銀一百兩蓄之囊篋以自潤吾夫子之宮弗治而卑職之家獨肥有人心者宐不若是情願罄將前銀以備修建及

本府通判黃壽公廉有爲素能留意學校本縣義

民陳萬富李茂富而好禮幹辦克勤合無乞委黃壽
專總監督之任而以陳萬富李茂管工其或用度不
敷黃壽隨宥勸助此外或軍民贖罪銀兩或間發克
徒人犯或別項堪動官錢俱乞量賜分給仰委收掌
支銷庶幾民不告勞事獲歸一數年不就之功可成
諸士渴仰之心以慰備文轉申云云

改派錢糧議

邑令洪其道

爲酌議改派錢糧以獲民困事本職到任以來查得
庄田一節王田與民攙雜不成片段切照前田原係

黃陂縣志

卷十四

藝文

十六

先年景府奏討多有奸民投獻隱有民田在內王租
民差兩閃慮恐奸民投獻爭端事非經久晝夜焦息
呈詳總割一區畧內地塘隨田撥給題石立界佃民
百姓允服造冊報部訖仍照前項田土原載正米壹
千肆百壹拾貳石捌斗玖升柒合五勺其米遵照全
書起派條編正賦南兌折銀壹千叁百肆拾捌兩柒
錢玖釐伍毫叁絲惟照陂之田地塘山機歸潞府
租而陂之錢糧如故累賠困苦民不堪命合無將全
書協濟外屬銀兩酌議改派無王田饒僻州縣以運

糧官軍月糧銀貳百玖拾叁兩貳錢捌分叁釐壹毫
派麻城縣江西運糧銀叁百壹拾柒兩玖錢壹分肆
釐叁毫派蘄水縣陽邏馬價銀壹百壹拾肆兩柒錢
壹分玖釐捌毫站船水夫銀陸兩柒錢柒分肆釐伍
毫派黃岡縣協濟襄陽各驛馬價銀壹百陸拾陸兩
肆錢肆分貳釐陸毫派羅田廣濟二縣通共銀陸拾
陸兩肆錢肆分貳釐陸毫派羅田廣濟二縣通計該
減銀捌百玖拾玖兩壹錢叁分肆釐叁毫蓋本縣之
改派者雖多而除改派外尙剩銀肆百肆拾玖兩伍
錢柒分伍釐貳毫叁絲加派本縣則本縣亦非獨享
其逸而賦稅似乎適得其平也兩院皆報可

黃陂縣志

卷十四

正警文中

十七

建立社學議

胡仲瀾

竊意近附城郭與衣冠文物之鄉彼其耳濡目染不待教而易善者若深山窮谷聲教之所不及尤宜破格鼓舞加意作興庶使梗化之民薰蒸爲善卽尼父之與進互鄉將命闕黨意念深矣本縣澗源鄉土名老山一帶西屬本縣東屬黃安連界兩省米州縣相去各二三百里地旣窮僻人習刁頑逋負國課藏匿亡命聚衆拒捕率以爲常恃強凌弱恬不爲恠出入鳴金挾刃睚眦持挺殺人或冒籍而越告官司或駕黃陂縣志

卷十四

藝文

六

誣而施害良善畏虛則抗避不結案牘則積滯難銷傷敗倫理尤不忍言見節孝醇謹之人群聚而姍請之擯而不與語其俗可概矣近且撥入潞府勢倚王莊譬則負嵎之虎有司益莫誰何數年後將爲盜賊亡命之藪其鄉間有一二子弟粗習章句出而應試究必不勝衣冠文物之鄉進無希覬旋卽棄去辟而搏猛虎逐狡兔臂鷹走馬以自嬉娛甚至窺人墻戶嫖褻宣淫尚可繩之以法哉則建立社學誠不可已計兩縣人戶無慮萬家通其習章句者僅七十餘人

者此令肄業鄉社耳目無所聞見卽有社師不知隆
重卽有教規不知聽從合於十餘人中擇其資質稍
秀文義稍通者分肄兩縣社學歲時令時親師習禮
俾知感慕每遇歲考比照福建汀州等處另立內化
生名色以便量材進退間有假冒希進者許本地子
弟呈首教其子弟則父兄愉悅榮以巾舄則衆庶改
觀七摩師友使自變其鄉俗澆灌詩書使自剔其腸
腑繫籍官墻使不得藉口化外移風易俗莫善於此
職非有所私爲青衿另開一徑實不過懲徵輸勾攝
黃陂縣志

卷十四

藝文

十九

之苦慮轉移化導之難仰體木道作人之盛心爲本
鄉百年之遠計爾

王莊議

胡仲瀾 邑令

本縣莊田起於景府奏討灑源鄉林木嶺燒炭備用
後因本地奸民意圖自利將田按獻如有十石租田
止獻二三石餘皆隱蔽既不納王租又不當國稅是
所納者少而欺隱者多也奸民以爲得計後景王薨
田歸民間萬曆九年通縣丈量前者欺穩之田悉入
版籍十七年潞王奏討景府遺業院司道府准戶部
抄出景府莊田等項各數目轉行本縣丈量勘定界議
處應納錢糧繳報始皆陞任蕭知縣遵依訖後洪知
黃陂縣志

卷十四

藝文

下

縣因見王田與民田相雜恐爭競不息故仍於灑源
鄉近林木嶺查照部額採割租田陸百柒頃壹畝柒
分捌厘松柴茅山肆百貳塊遵照景府收租龍票舊
則除地塘外每田壹石派銀肆錢叁分玖釐壹毫山
每塊派銀壹錢共足貳千柒百五兩陸錢壹分零至
萬曆十八年佃民見得租重遂皆逃走洪知縣設法
招撫復業查得大明彙典成化六年欽定王府莊田
則例每畝納銀叁分每田壹石總計拾畝納銀叁錢
除地塘山另則俱遵照納銀外本縣兩年那移別項

錢糧代爲湊完柴百壹拾叁兩有奇在佃民已遂得
隲之願矣近佃民恐事不能經久又見全書開載民
糧輕於佃租又萌望蜀之念妄行告擾不知全書開
載止係正賦正賦之外民間遠水解頭走遞夫馬等
項及無名差徭難以枚舉者不知有幾也今佃民等
苦於租重所爭疆界七十里不思七十里之內有民
田數十頃畝景府原額不過陸百柒頃豈得界七十
里之多在佃民多欲增田以減租在百姓又不欲割
地以重差數年以來此其所以紛七難定也二十一

黃陂縣志

卷十四 藝文

二乙

年三月間本職到任即閱議田文卷已經五載尚未
歸一蚤夜焦思背有芒刺且見佃民告擾抗納官民
不便隨蒙院道行委武昌府李通判都司趙經歷公
同親臨本縣拘集合縣士民鄉約里老并佃戶人等
從長商議將佃租叁錢又減去五分今百姓代納前
後加派其壹錢捌分有奇各爲協濟彼此各服審具
兩願甘結在卷庶王稅不致逋外佃民不生異論也
二十年前項租稅已經張典廉親自徵完但本縣代
爲湊足共壹千有餘之數尙未蒙編入全書不敢擅

加派且庫積空虛並無一毫可措切恐久違寧限
編威嚴又于五月二十八日蒙乾伴讀到縣催急
在燃眉只得將二十一年編銀設法處置旬日之
間代百姓足其完數權爲抵補職寧請於上司不敢
獲罪于哲王也但本縣錢糧有額佃租旣減民差必
重况黃陂古額四十八里黃安藩封已採割三分之
一曩時人丁十萬頻歲災疫今止一萬有奇疲已
極若如前佃民之橫議民將重足而立不得不爲杞
人之憂也割地之說百姓斷不肯從而職忝在民牧
黃陂縣志

卷十四

藝文

三

恐一拂民之欲不惟邦本不固而藩王養膳之典亦
難以刻期早完矣伏惟轉達爲藩封至計爲陂民造
福俯採輿情儘力主張卑職與民情得從容遵守則
生靈感戴社稷永賴矣

軟糧公議

明初錢糧徵解在官及流弊僉解里長始有糧差每石丁米索幫貼銀四五兩又馬差歸里排而五年一幫貼夫差歸里排而三年一幫貼是十年有三大差矣鄉民畏怯房保包當今日折糧貼費明日倒馬議加又明日停夫索補房保里差接踵還至雞犬不寧甚之賣此米之田不足幫此田之米東奔西竄難避饑饉之鋒鬻女質兒莫滿貪醜之壑胥緘干銀苛索雜差百倍正供所以富戶家產盡傾窮民性命垂

黃陂縣志

卷十四

藝文

三

死流離載道逋負盈庭不獨繫赤子於囹圄亦每羈青衿於捕署鄉愚以丁糧爲苦勢家受產免差僥巧以詭寄爲能里書飛米致富本朝新恩已寬明末夙弊未改士民哀控院司道此唯倣例軟糧酌費樂輸用一省百費有定數則中貧之民農則終事可必但在官市衆覺少生涯而過客提差輒多蝕望假公快私借名巧詆前此見膏血消盡則高閉戶之風今也聞輸費此須備時築舍之論不知急需三項原無與正供之分是况此公費數錢曾不當私

卽照批欵勒石永遵繳如有私索包攬等弊申究
按院陳批仰黃陂縣懲包攬勤查覈力全前院勒石
之良法以順士民之情繳

布政司齊批從來善政不外遵朝廷之經費宜人情
而舍土俗據呈以親睦之仁効終事之義甚爲美舉
但須通融無弊公私上下皆免偏枯方可久行仰黃
陂縣議妥報

按察司馬批仰該縣酌議妥奪

驛鹽道鄭批據呈賦役不平衆情樂均具見齊心悉

黃陂縣志

卷十四

藝文

二六

公但通融行之必亦上下無弊俾黃陂縣詳細議確
妥報又批據詳諸欵衆情樂于均輸繁差皆歸有司
則免遞年僉報包攬推就抑勒等弊無藝之費所省
實多縉紳士庶旣合詞稱便似畫一而可守卽夫馬
一頓尤爲目前急着之權宜也仰候藩司彙詳行繳
守道黑批夫馬之差幫貼之累其不公平處本道久
熟知之唯照孝感感軟擡苦樂均當仰該縣酌議回詳
以便轉申永久遵守此繳又批候詳三院繳
糧道白批仰黃陂縣糾衆酌議速報

督學道王批此極有便於貧民者本道訊之鄉紳士庶無不稱便黃刑廳議妥申詳各上臺如諸邑皆敬而行之小民受澤無窮矣速報

各臺飭行軟擡憲檄

撫院高憲牌爲飭行軟擡以舒民困以除積害事照得楚地頻遭寇禍游遇灾荒幸存孑遺皆湯火餘生爲民上者卽百計撫綏尙不能轉顛連於衽席忍不聚所欲以困吾民哉查明季之害政莫甚于里役夫馬等事本院蒞任時各屬咸以此稱苦正謀所以興

黃陂縣志

卷十四

藝文

二十七

革之術而未有當也偶去冬黃陂縣以軟擡之舉控閱之頗覺便民批行去後及今裘葛已易而未據遵報細詢其故皆由衙蠹積保以里排爲奇貨恐軟擡一行不得遂其剝噬互相排沮而貪墨之官私倣加耗扣尅之利又戀不忍捨故卽本院批允南北按院嚴飭終成道旁之議也且旣云軟擡而包當者聞又外索私幫豪猾者仍復鑽營情免不幾拒虎而進之狼耶於民終何濟乎合行痛爲嚴飭爲此牌仰本縣官吏卽便查照紳士公呈軟擡事理力爲舉行嗣後

如有積年市棍包當外里夫馬里役私索外幫權弊
衙蠹朦朧僉票勒索小民撻唆耗剋并鑽營清免等
弊印官

題叅積蠹拿究文到之後取具士民遵行印結報查
該縣仍將本牌責令書役抄謄張挂各門曉諭俾村
落鄉愚咸知奉行勿仍託之空言也

按院王憲示爲申飭革里役魁民困勒石以垂永久
事照得軟擡之法期於便民而反貽民害者豈盡作
法之不良亦有司奉行之不力以致積書奸棍踵弊

黃陂縣志

卷四

藝文

二六

射利相沿莫察受害滋生嗟上以刀斧之餘黎能有
幾許骨血而堪此剝削哉合行出示嚴禁曉諭爲此
示仰諸士民人等知悉除該縣紳衿鄉耆公呈條款
發縣勒石外敢有積里仍前私索幫貼積保包攬肥
己積書通同扣剋剝民嗔不利於己而百計撓毀藉
里長而仍開私幫甚且相沿日久將軟擡盡入正供
有加無已而民不堪命者許該縣查實指名密揭報
院士紳實指某里於軟擡外私索幫貼某人經收軟
擡銀兩外加火耗公呈出首被害之人擊鼓伸告本

院定行重處斷不姑貸如有司知而不舉互相容隱
或訪出或告發本院定不寬假以貽地方之害惟有
以白簡從事也慎之慎之須至示者

鄉約議

邑令楊廷誦

鄉約之設原以宣揚聖諭勸誡一方民俾善者有所興起不肖者有所嚴憚法至善也 鼎革來寢不復舉問有行之盡失古意約正約副先非其人卽約講聲說一番于開導勸懲本旨毫無關切方今舉行必推齒德兼優素履無玷者二人以爲約正副朔望開講日卽立善惡二簿存約正處一方有某人行某善事某人行某惡事從公分註簿內徐俟長吏行查賞罰諸凡地方利病通約恒得直陳之如是者一年約

黃陂縣志

卷十四 藝文

三

正副公平方正果無隻雞壺酒之私則隆以體貌給與頂帶以風通里使兒童婦女咸曉六諭之應遵絕域窮鄉皆識爲善之可樂輶軒問俗所至良多可觀也

保甲議

安民之道無他謬巧惟使外盜不能入內奸不能作斯已爾效亦可立臻者止在嚴行保甲今通頒格式凡在 cities 關廂鄉村集鎮地方概行編入不許遺漏一人卽鄉紳舉貢生員止免本身其疎遠親族以及

家人奴僕不准影射混免令其自行填寫挨序入冊
齋縣致覈鈐印然後每鄉公議二人以爲會長百家
之內再議一八以爲保長十戶之內再擇一人以爲
甲長各家自備器械一件十家各置銅鑼一面交于
甲長逐戶編完照冊每家給牌一紙各貼小板之上
懸挂本家門首每甲給大牌一紙貼高柄牌上豎立
甲長門首凡一處有盜甲長鳴鑼九家併力救援一
甲有盜九甲鳴鑼各甲併力救援一保如之一鄉亦
如之到處跟追待至天明料無騰空之術成擒必矣

黃陂縣志

卷十四 藝文

三

此外盜不能入也又嚴以連坐之法如各保甲內有
一家蹤跡可疑併窩藏奸宄隱匿匪類同甲九家連
名出首一甲所行不端九甲連名檢舉以覈官法究
治如有容隱別經訪聞一人爲盜定坐同甲九家一
甲有盜定坐同保九甲此內奸不敢作也推之以迄
縣鄙亦豈有不同風合轍紫至立效者哉

保甲之制雖善每多格上難行者多由紳衿之家先
有優免一說橫於胸中再則親族佃僕利其包荒又
以體面二字聳動於後縣官不得已勉從其請殊不

知此法之行全以護衛大家富戶若各借優免規避
反責一二窮民代爲防守情何以堪法何以施耶諸
紳衿各免正身外咸自體諒而不以情撓法則通縣
永受其賜矣

鄉約保甲合一議

鄉約保甲雖屬二事乃鄉約之所約者此民保甲之
所保者亦此民但約主勸善以化導爲先保主懲惡
以究詰爲重教無殊旨治有同歸蓋可舉而一之也
今議將鄉約保甲合爲綜理允一邑居民毋論在城

黃陂縣志

卷十四 藝文

三三

在鄉以百家爲率孤庄村落以一里爲率各立約正
約副二人以統一約之人外設約講一人約史一人
以辦一約之事十家中推一人爲甲長每一家又以
前後左右所居者爲四隣一人有過四隣勸化不從
則告於甲長轉告於約正一人有善四隣查訪的實
則告於甲長轉告於約正其輕事小事許本約處和
以息訟端大善大惡仍令季終開報以憑獎戒如惡
有顯跡或於開講日或於開講前據實報鳴如四隣
知而不報者甲長舉之罪坐四隣四隣舉之而甲長

不報者罪坐甲長甲長舉之而約正副不書別經發
覺罪坐約正副如此嚴行則一人犯罪九十九家之
責也合九十九家耳目環視一人則妖術奸民何所
容其身外賊內窩何所遁其跡哉

按此他不俱論明道先生生長於陂者也其今晉城
先度一邑鄉村遠近立爲伍保使之力役相恤其有
孤寡殘廢者責之親戚鄉黨使無失所鄉必有校擢
子弟之秀者聚而教之鄉民爲社會立科條旌其善
惡咸令知勸知耻凡此正與鄉約保甲諸說後先合

黃陂縣志

卷四

藝文

三三

揆昔治昔效今治亦今效固斷也如也茲故特以程
先生之福晉城者遷引之以福陂民不識有當否耶

驛役議

楊廷蘊

驛遞之苦水陸略同而陸爲甚全楚水陸之衝各邑
略同而陂爲甚南達省會北連河南上八盛京下及
滇黔兩粵無不由此各憲會議別爲上衝特添設驛
馬夫役軫念至矣但年來軍興旁午羽檄交馳銀鞵
護送動以百計勘合火牌一時踵至稍稽未敢立遣
無能况又役嘆職勞馬時倒斃供億旣苦贖補益難

額編有定浮費多端真陂邑一大掣用事世蘊自下
車來竭力補且僅堪支應然而心力爲已殫矣詩云
我馬瘠矣我僕痛矣陂邑之謂歟

戶上倉交兌不許侵渙攤派

一北絹仍用官織官解革除里役全書開銷買絲織造驟脚鋪墊等費出自軟糧積書不許額外派徵

一錢糧禁止提差騷擾各衙門止用風火雷牌下縣應期起解不許借軍餉題目仍蹈前轍需索供應打發徒費小民膏血

一解銀止用空文報府陂邑最近省城去黃州甚遠携寶遠行干係重大且羈延時日今後錢糧徑解藩司路近費省法簡民便

黃陂縣志

卷十四

藝文

三五

一均平各排年米石米有多寡則僉解有重輕遂致賠累偏枯合就各排年米數撥除增加註爲定例以杜飛洒詭寄之奸以息避重就輕之詐畫一以順輿情永垂不朽

各憲批語

撫院高批仰布政司秉公酌議革弊差以甦民累速報又批准如議行但須詳酌妥當務使經遠繳

按院曹批仰黃刑官酌妥報又批准如議行繳

按院王批軟糧之法最爲便民仰遵力行除另示外

突右手燃指炮灸而臣父罵賊愈急至死不屈賊復
支解臣父身首異處散投烈焰之中臣以生員派守
黃陂城隔離烽火迨家丁張陞逃歸臣始知臣父一
身灰燼與胞弟張世補及家丁張德等一十二口盡
膏賊刃矣臣甫十五歲筮七孤幼不得見父永訣文
不得覓父殘骸兩地殞亡呼籲無路故當日應城黃
陂兩邑士民代呈死難情形已蒙府道批詳止未遽
經題奏臣伏思臣父生爲聖明臣沒爲聖朝鬼犬馬
微軀深愧一死無裨於應城臣復何顏代父叩閭但

念臣父三十年忠義之志一旦沆漉荒野臣欲哭而
無棺可撫飲血而有靈莫慰漂泊異鄉幾經一載臣
亦何愛此餘生惟我皇上旌別炳如日星勸激不遺
微賤伏按應城殉難知縣張紹登副總鄧祖禹俱得
名達御覽即鄖襄房縣鄖西有死難教職馬應奎王
純卿俱奉明旨贈卹獨臣父守城罵賊一段公案未
達天聰臣又何顏對死父於地下此臣之所以寸腸
九斷痛心截指不得不昧死冒陳也况當死賊殄殲
未盡如臣父以教官守城復挺身罵賊皆皇上之神